

# 卷十九

書名 禮記註疏六十三卷  
 撰者 漢 鄭玄 注, 唐 陸德明  
 音義, 唐 孔穎達 疏  
 卷 卷十九  
 內容分類 經 禮-禮記-唐  
 索書號 經部-彙刻-1  
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本文影像資料庫 索書號: 經部-彙刻-1

漢籍善本文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

## 禮記註疏卷之一

漢鄭氏註

唐孔穎達疏

### 禮記

○陸德明音義曰此記

### 疏

正義曰夫禮者經天地

地未分之前故禮運云夫禮必本於太一是天地未  
 分之前已有禮也禮者理也其用以治則與天地俱  
 興故昭二十六年左傳稱晏子云禮之可以為國也  
 久矣與天地竝但于時質略物生則自然而有尊卑  
 若羊羔跪乳鴻雁飛有行列豈由教之者哉是三公  
 既判尊卑自然而有但天地初分之後即應有君臣  
 治國但年代縣遠無文以言案易緯通卦驗云天皇  
 之先與乾曜合元君有五期輔有三名公卿大夫也又云  
 事五行王亦有五期輔有三名公卿大夫也又云遠  
 皇始出握機矩註云遂皇謂遂人在伏犧前始王天

所究研京東院學化文方東

No. 2390 五





禮記註疏卷第十九

漢鄭氏註

唐孔穎達疏

曾子問

天子崩未殯五祀之祭不行既殯而祭其祭也尸入三  
飯不侑醕不酢而已矣自啓至於反哭五祀之祭不  
行已葬而祭祀畢獻而已

**註**

既葬彌吉祝畢獻而後

止郊社亦然惟嘗禘宗廟俟吉也

○飯扶晚反下同  
不侑音又絕句下

皆放此醕音胤又  
仕覲反酢才各反

曾子問曰諸侯之祭社稷俎豆及

陳聞天子崩后之喪君薨夫人之喪如之何孔子曰

廢註亦謂夙興陳饌牲器時也自薨比至於殯自啓

至於反哭奉帥天子註帥循也所奉循如天子者謂

五祀之祭也社稷亦然註○比必註天子至天子○正

禮既亡今儀禮唯有大夫士祭禮以言之按特牲饋

食禮祀延尸於奧迎尸而入即延坐三飯告飽祝侑

尸尸又飯至於九飯畢若大夫依少牢饋食尸食十

一飯而畢鄭註少牢云十九飯大夫十一飯也則其

餘有十三飯又按特牲禮尸九飯畢主人酌酒酌尸飲

卒爵酌主人主人受酌飲畢酌獻祝祝飲畢主人又

酌獻佐食此是士之祭禮也今約此而說天子五祀

之祭也○天子崩未殯五祀之祭不行者○以初崩

哀感未遑祭祀雖當五祀祭時不得行既殯而祭者



但五祀外神不可以已私喪久廢其祭故既殯哀情

稍殺而後祭也○其祭也尸入三飯不侑酌不酢而

已矣者今喪既殯不得純如吉禮理須宜降殺侑酌

也故迎尸入與之後尸三飯告飽則止祝更不勸侑

其食使滿常數也又熊氏云三飯不酌不酢而巳矣

謂迎尸入與之後尸三飯即止祝不勸侑至十五飯

於時冢宰攝主酌酒酌尸尸受卒爵不酢攝主故云

三飯不侑酌不酢而巳者謂唯行此而已不為在後

餘事也○自啓至於反哭五祀之祭不行者○謂欲

葬之時從啓殯以後葬畢反哭以前靈柩既見哀摧

更甚故云五祀之祭不行已葬而祭視畢獻而已已

葬而祭者謂已葬反哭殯宮畢而行其祭但既葬彌

吉尸入三飯之後祝乃侑尸尸食十五飯攝主酌尸

尸飲卒爵而酌攝主攝主飲畢酌而獻祝祝受飲畢

則止無獻佐食以下之事所以然者以葬後未甚吉

唯行此禮而已而巳是語辭也皇氏云已止也○

既葬至吉也○正義曰經云祝畢獻止謂祝受獻祭


禮遂畢止不獻佐食以下云郊社亦然者王制云天

豐已荒

卷之九

及古

禮言疏  
地社稷為越。紼而行事。是與五祀同也。趙商問云。自  
啓至反。哭五祀之祭。不行。註云。郊社亦然者。按王制  
云。唯天地社稷為越。紼而行事。何趙商之意。葬時郊  
社之祭。不行。何得有越。紼而行事。鄭答。越紼行事。喪  
無事時。天地郊社。有常日。自啓及至。反哭。自當辟之。  
鄭言無事者。謂未殯以前。是有事。既殯以後。未啓以前。  
前是無事。得行祭禮。故有越。紼行事。鄭云。郊社有常  
日。自啓至。反哭。自當辟之者。郊社既。有常日。自啓反  
哭。當辟此。郊社之日。郊社尊。故辟其日。不使相妨。五  
祀既。卑若與啓。反哭。日相逢。則五祀辟。其日也。鄭言  
天地社稷。去殯處遠。祭時。踰越此。紼而往。赴之。五祀  
去殯處近。暫往。則還。故不為越。紼。出云。唯嘗禘宗廟  
俟吉也者。謂為嘗禘之禮。以祭宗廟。俟待於吉。故王  
制云。喪三年不祭。是也。其在喪祭。郊社之時。其喪所  
朝夕。仍奠。知者。雜記云。國禁哭。則止。朝夕之奠。卽位  
自因也。人臣尚爾。明天子得也。○**註**帥循至亦然。○  
正義曰。帥循也。此釋詰文。以經云。奉循天子。按上天  
子有祭五祀之文。今云。奉循如天子。謂諸侯大祀亦



如天子故云。謂五祀之祭。是諸侯五祀。如天子五祀也。今此諸侯祭社稷。其遭喪節制。與五祀同。故云。社稷亦然。按天子崩后喪。諸侯當奔。赴得奉循。天子之禮者。諸侯或不自親奔。而身在國者。或唯據君薨及夫人之喪。其嗣子所祭得奉循。天子者也。

曾子問曰。大夫之祭。鼎俎既陳。籩豆既設。不得成禮。廢

者。幾孔子曰。九請問之曰。天子崩后之喪。君薨。夫人

之喪。君之大廟。火日食三年之喪。齊衰大功。皆廢。外

喪自齊衰以下行也。○**註**齊衰異門。則祭其齊衰之祭

也。尸入三飯。不侑。酌不酢而已矣。大功。酢而已矣。小

功。總室中之事而已矣。○**註**室中之事。謂賓長獻。○長

禮記疏 卷之九 曾子問 竹文

反下文 誅長同 士之所以異者總不祭 然則士不得成禮

者十一所祭於死者無服則祭 謂若舅舅之子從

母昆弟 曾子至行也 正義曰不直云大功以上

子問廢者有幾孔子對云廢者有九遂歷序九種之

事一備言此大夫祭者謂祭宗廟故下文云所祭

於死者無服則祭是據宗廟也 齊 異門則祭

不侑醕不酢而已矣 若遭異門齊衰之喪其祭迎

尸入室但三飯則止祝更不勸侑使至十一但三飯

耳則主人酌酒醕尸尸不酢主人唯此而已 大功

酢而已矣 大功服輕祭禮稍備尸三飯祝侑至十

一飯而止主人酌酒獻尸尸酢主人主人乃停故云

大功酢而已矣 小功總室中之事而已矣 小功

於總麻其服轉輕祭禮轉備其祭尸十一飯訖主人

酌尸尸卒爵酢主人主人獻祝及佐食畢次主婦獻



尸尸酢主婦主婦又獻祝及佐食次賓長獻尸 若

平常之祭尸得賓長獻爵則止不舉待致爵之後尸

乃舉爵今既喪殺賓長獻尸尸飲以酢賓賓又獻祝

及佐食而祭畢止凡尸在室之與祝在室中北廂南

面佐食在室中尸西北面但主人主婦及賓獻尸及

祝佐食等三人畢則止故云室中之事而已矣若致

爵之時主婦在房中南面主人獻賓堂上北面皆不

在室中其室中者獻尸祝佐食耳故此註云室中之

事謂賓長獻此小功總麻兼內外知者以前文云內

喪大功以上廢則知內喪小功以下不廢也按雜記


值總小功不辨內外一切皆廢祭士輕故為輕親伸情也。○所祭於死者無服則祭所祭謂士祭祖禰而死者已雖為總祖禰於死者無服鼎俎既陳則亦祭也。○謂若至昆弟。○正義曰此等於已雖服總而於祖禰則無服然此皆母親而得云無服者祭祀以祖禰為主母親於已服總於祖禰無服然此皆母親以父為主也其從母父雖無服已為小功熊氏云亦廢祭也皇氏云以從母於父無服不廢祭也按經云總不祭所祭於死者無服則祭據總為文似不關小功故鄭以總服解之皇氏橫加小功其義非也

曾子問曰三年之喪弔乎孔子曰三年之喪練不羣立

不旅行。○為其苟語忘哀也。○為于偽反下為彼為親妻為婦為為已病皆

同君子禮以飾情三年之喪而弔哭不亦虛乎。○為

彼哀則不專於親也為親哀則是妄弔。○曾子至虛也。○正義



曰此一節論身有重服不得弔人之事。○君子禮以飾情凡行吉凶之禮必使外內相副用外之物以飾內情故云義以飾在內之情故冠冕文彩以飾至敬之情龕衰以飾哀痛之情所以三年問云衰服為至痛飾也故云君子禮以飾情也。○三年之喪而弔哭不亦虛乎者若身有重服而弔他人則非飾情所以為虛也言虛者弔與服並虛也何者若已有喪弔彼而哭哀彼則忘已本哀是已服為虛也若心存於已哀忘彼而哭彼則是於弔為虛也故註云為彼哀則不專於親也為親哀則是妄弔

曾子問曰大夫士有私喪可以除之矣而有君服焉其

除之也如之何孔子曰有君喪服於身不敢私服又

何除焉。○重喻輕也私喪家之喪也喪服四制曰門

外之治義斷恩。○治直吏反。於是乎有過時而弗除

豐已充。○斷丁亂反。於是乎有過時而弗除。○正義

也君之喪服除而后殷祭禮也

謂主人也支子則

不徐直慮反曾子至禮也○正義曰此一節論臣  
 解之○孔子曰有君喪服於身不敢私服又何除焉  
 者答以重喻輕也門外之治義斷恩若身有君服後  
 遭親喪則不敢為親制服也又何除焉者謂成喪服  
 為重始除服為輕末在親始重之日尚不獲伸況輕  
 未之時而可行乎故云又何除焉○君之喪服除而  
 后殷祭禮也殷祭謂小大二祥祭也以其禮大故曰  
 殷也言初乃為身有君服不敢為親私除若君服除  
 後乃可為親行私喪二祥之祭以伸孝心也故盧氏  
 云殷祭盛也君服除乃行釋私服之禮庾蔚云今月  
 除君服明月可小祥又明月可大祥猶若久喪不葬  
 者也若未有君服之前私服已小祥者除君服後但  
 謂之殷祭而不得云再祭殷大也小大二祥變除之  
 大祭故謂之殷祭也禘祫者祭之大故亦謂之殷祭



但此論大夫士則不應有禘祫此殷是釋除之祭也  
 有殷事則之君所鄭以為朔月半薦新之奠此又  
 比朝夕為大也各有所指不嫌殷各同也○謂主  
 人也支子則否○正義曰主人謂適子仕官者適子  
 主祭祀故二祥待除君服而後行也若支子仕官雖  
 不得除私服而其家適子已行祥祭庶子於後無所  
 復追祭故云否也

曾子曰父母之喪弗除可乎

至可乎○正義曰曾子又疑云聖人制變受之期情  
 禮之殺使送死有已復生有節是不許人子有不除  
 之喪若適子除君服後乃有殷祭之事如喪久不葬  
 者此則可解若庶子除君服後無復殷祭之事便是  
 其為父母之服一生不有除孔子曰先王制禮過時  
 說之事此於禮許得可乎

弗舉禮也非弗能勿除也患其過於制也故君子過



時不祭禮也言制禮以為民中過其時則不成禮

○中如字 又竹仲反 孔子至禮也 據制以答此所以不除

言今日不追除服之意也 非弗至制也 勿猶不也

是患其過於聖人之禮制也 故君子過時不祭禮

也 又引君子過時不舉之事以證之 過時不祭謂

春雨露既濡 君子履之 怵息親故 設祭若春

時或有事故 不得行祭 至夏乃行 夏祭不復追補 春

祭是過時不祭以為禮也 若過時不祭如適子仕者

除君服後 猶得行殷祭 其四時之祭 過時所以不追

也 且今年春夏祭本為感春夏而祭 至秋非時故不追

時則祭過時不補 前祭祥非為感時正是孝子為

存親存親則前後無異 故除君服已伸孝子也

曾子問曰君薨既殯而臣有父母之喪則如之何孔子

曰歸居於家有殷事則之君所朝夕否居家者因

其哀後隆於父母殷事朔月月半薦新之奠也孔子

至夕否 殷大也 孔子答云 君殯既訖 君所無事 父

母新喪 故歸於家以治父母之喪 若君喪有朔月月

半 薦新大事 則臣之適君 所以哭君 若凡常朝夕 則

不往哭 君唯在家為父母治喪 故云朝夕 否若臣有

父母之喪 既殯而後有君喪 則歸君所 若父母之喪

有殷事之時 則來歸家 平常朝夕 則不來 恒在君處

○居家至父母 正義曰 君薨既殯 是君喪在隆

殯後 親死是父母喪 在後親喪 痛甚 恒居於家是隆

於父曰君既啓而臣有父母之喪則如之何孔子曰

歸哭而反送君言送君則既葬而歸也 歸哭者服

君服而歸不敢私服也曰君至送君 正義曰 曾

禮記卷之九 禮記

云君既啓而臣有父母之喪則如之何孔子答曰歸哭父母而反往送君既葬畢還來歸家而治父母之喪以此言之父母之喪既啓而有君之喪則亦往哭於君所而反送父母父母葬畢而居君所○言送至服也○正義曰知既葬而歸者以言送君則葬罷而歸則不待君之虞祭也其君喪耐於卒哭未知臣往君所與否云歸哭者服君服而歸不敢私服也者謂歸哭父母猶服君服不私服也知不私服者上文云有君喪服於身不敢私服故知不私服也


**曰君未殯而臣有父母之喪**

則如之何孔子曰歸殯反於君所有殷事則歸朝夕

**否**其哀雜主於君大夫室老行事士則子孫行事

**大夫士其在君所之時則攝其事大夫內子有殷**

**事亦之君所朝夕否**謂夫之君既殯而有舅姑之



喪者內子大夫適妻也妻為夫之君如婦為舅姑服

齊衰○適丁○及既啓而有父母之喪今問君既殯

而臣有父母之喪如之何孔子答曰歸殯父母訖反

於君所以未殯君恒在君所家有殷事之時則暫歸

於家若尋常朝之則不得歸也故云朝夕否盧氏云

歸殯反於君所者入君五日而殯故可以歸殯父母

而往殯君也若其臨君殯之日盧云歸哭父母而來

殯君則殯君訖乃還殯父母也以此言之臣有父母

之喪未殯而有君喪去君殯日雖遠祇得待殯君訖

而還殯父母以其君尊故也○其哀雜主於君○正義曰以君未殯則君哀重而父母又喪是親哀亦重君與親哀既半相雜君為尊故主意於君故尋常恒在君所○大夫至行事○以大夫士有殷事在君所之時則在家朝夕之奠亦闕莫不可廢其大夫尊故遣室老攝行其事士卑則子孫攝行其事○云大


士至其事。○正義曰：大夫內子有殷事，亦之君所朝。夕否，上文明大夫禮節。此明婦人之進止。君既殯而歸，有舅姑之喪，既殯有父母之喪，此明君既殯後而婦以前問君薨，既殯有父母之喪，此明君既殯後而婦有舅姑之喪，歸居於家，君有殷事之時，亦之君所云亦者，謂亦同其夫也。非但夫往，君所妻亦往。君所也若尋常，朝夕則不往。君所舉此一條，婦同於夫則君既落及君未殯而有舅姑之喪，其禮悉同。夫也。○**註**內子至齊衰。○正義曰：按僖二十四年左傳云：晉趙姬請以叔隗為內子而已。下之叔隗為趙衰妻，是大夫適妻也。若對而言之，則卿妻曰內子，大夫妻曰命婦。若散而言之，則大夫是卿之總號，其妻亦總名為內子。云妻為夫之君如婦為舅姑服齊衰者，此喪服文也。

**賤不誄貴幼不誄長禮也**

**註**誄累也。累列生時行迹誄

之以作諡諡當由尊者成

○誄力水反謂諡也行下孟反諡音示徐又以二反



**唯天子稱天以誄之**

**註**以其無尊焉春秋公羊說以

為讀誄制諡於南郊若云受之於天然諸侯相誄非

**禮也**

**註**禮當言誄於天子也天子乃使大史賜之諡

**疏**賤不至禮也。○正義曰：此一節論諡由尊者出之

為諡幼不得累列長者之行而作諡如此是其禮也

所以然者凡諡表其實行當由尊者所為若使幼賤

者為之則名欲光揚在上之美有乖實事故不為也

○唯天子稱天以誄之者諸侯及大夫其上猶有尊

者為之作諡其天子則更無尊於天子者故唯為天


子作諡之時於南郊告天示若有天命然不敢自專也。○諸侯相誄非禮也者非但賤不誄貴平敵相誄亦為不可故云諸侯相誄非禮也既賤不誄貴按襄十三年左傳楚子囊為共王作諡者春秋亂世不能如禮此不言君臣兄弟而言貴賤長幼者廣包餘人

非唯君臣兄弟而已。○以其至南郊。○正義曰：按鄭之時，說公羊者而為此言，故白虎通云：天子崩大，臣之於南郊稱天以諡之者，為人臣子莫不欲褒大其君，掩惡揚善，故至南郊明不得欺天也。○禮當至之諡。○正義曰：按白虎通云：君薨，請諡世子赴告於天子，天子唯遣大夫會葬而諡之。又檀弓云：公叔文子卒，其子戍請諡於君，曰：日月有時，將葬矣，請所以易其名者。大夫當請諡於君，則諸侯理當請諡於天子。云天子乃使大史賜之諡者，按大史職云：小喪賜諡，鄭云：小喪，卿大夫也。卿大夫言賜之諡，明諸侯之喪亦然。

曾子問曰：君出疆以三年之戒，以禭從君，薨其入如之。

何？其出有喪，備疑喪入必異也。戒猶備也。謂衣衾也。親身棺曰禭，其餘可死乃具也。

○疆居良反，禭薄歷反，親身棺謂禭。



也。孔子曰：共殯服。此謂君已大斂，殯服謂布深衣。

直經散帶垂殯時，主人所服，共之以待其來也。其餘

殯事亦皆具焉。○共殯音恭，註同。下必忍反。直經七餘反。下大結反。散息但反。則子

麻弁經疏衰菲杖。棺柩未安，不忍成服於外也。麻

弁經者，布弁而加環經也。布弁如爵弁，而用布杖者

為已病。○弁皮彥反。柩其又反。如爵如或作加誤也。為已音以。入自闕，升自西

階。闕謂毀宗也。柩毀宗而入，異於生也。升自西階

亦異生也。所毀宗，殯宮門西也。於此正冠而服殯服

既塗而成服，殷柩出毀宗，周柩入毀宗，禮相變也。如

小斂則子免而從柩謂君已小斂也主人布深衣

不括髮者行遠不可無飾音問入自門升自阼階

親未在棺不忍異入使如生來反君大夫士一節也

**疏**曾子至節也○正義曰此論諸侯出外死以喪歸

出之時以三年之戒以裨從戒備也謂以三年喪備

何○其出至具也○正義曰按王制云絞衾如之

死而後制此云戒備謂衣衾者熊氏云此言三年之

戒謂衣衾之裁若其造作死後乃為之○云親身棺

曰裨按喪大記云大棺八寸屬六寸裨四寸從外嚮

內親身也檀弓註云裨堅著之言也謂裨雖親身天

子裨內猶有水兕諸侯公裨內猶有兕諸侯以為裨

親身也云其餘可死乃具也謂除裨之外大棺與屬

若甘家年老亦死前為之今出疆裨從年夫老故大

棺等死後乃具也○孔子曰其殯服者於是大斂之

後主人從柩而歸則其家豫共主人殯時所著之服

謂布深衣直經散帶垂也於時主人從柩在路以棺

柩未安未忍成服於外唯著麻弁麻布也謂布弁布

弁之上而加環經○此謂至具焉○正義曰知此

謂大斂者以下文云如小斂故知此謂已大斂也云

殯服謂布深衣直經散帶垂者按士喪禮云小斂直

經大高散帶垂又禮親始死布深衣至成服以來其

服不改故知殯服布深衣直經散帶垂其首服崔氏

云小斂之前大夫士皆素冠小斂括髮之後士則加

素冠大夫加素弁云其殯事亦皆具焉以殯不可

闕故知其焉經特云其殯臨者舉主人服為重○則

子麻弁經疏衰非杖○身著疏衰疏衰是齊衰也足

著菲屨菲謂屨屨也其身已病者杖故云疏衰菲

杖也○棺柩至已病○正義曰按士喪禮云三日

成服今君喪在外仍著麻弁疏衰故知不忍成服於

外也云麻弁經者布弁而加環經也者布弁謂吉布

十五升與子游麻衰及詩云麻衣如雪同知加環經


豐巴流

卷之九十一

禮記

禮記

者雜記云小斂環經是也云布弁如爵弁而用布者  
 按檀弓云周人弁而葬殷人冔而葬是殷之祭冠  
 明弁經似周之祭冠故知爵弁也云杖者為已病者  
 以士喪禮服杖同時今服未成而已杖故云為已病  
 也○入自闕升自西階○謂極入宮之時毀殯宮門  
 西邊牆從極而入其升堂之時自西階而升必西階  
 者以極從外來如以賓客故就西而升階就客位也  
 ○闕謂至變也○正義曰鄭恐是門闕故云毀宗  
 也謂毀此宗廟之牆其處空闕故謂之闕云極毀宗  
 而入異於生也公羊定元年癸亥公之喪至自乾侯  
 戊辰公即位正棺於兩楹之間然後即位註云正棺  
 者象既小斂夷於堂也於此之時照殯服也云既塗  
 而成服者謂菴服既殯而成服也○云殷極出毀宗  
 廟極入毀宗禮相變也檀弓云毀宗躐行殷道也既  
 云毀宗始云躐行是先毀宗後躐行也是從內而出  
 故云殷極出毀宗○如小斂則子免而從極○上之  
 所言謂大斂之後此所謂未大斂當小斂以後之節  
 則子首不著麻弁身不服疏衰唯首著冕身著布深



衣而從極也○謂君至無飾○正義曰按士喪禮  
 從死至成服主人皆著深衣故知小斂主人布深衣  
 也士喪禮云小斂主人髻髮今著免者以在外遠行  
 不可無飾故著免也○入自門升自阼階○其極入  
 之時入自門不自闕也升自阼階不由西時也故注  
 云親未在棺猶如生也○君大夫士一節也○言上  
 來從極之儀更無尊卑之異非但君死  
 於道路亦然諸侯與大夫士一等也

曾子問曰君之喪既引聞父母之喪如之何孔子曰遂

既封而歸不俟子遂遂送君也封當為窆子嗣君


也○引以刃反下皆曾子問曰父母之喪既引及塗

聞君薨如之何孔子曰遂既封改服而往封亦當

為窆改服括髮徒跣布深衣扱止衽不以私喪包至

尊。○既封，依註音變，彼驗反。塗音徒。○曾子至而往，  
 一節論君葬在路，遭父母喪，或父母葬，聞君喪之事。  
 ○遂遂至君也。○正義曰：以經云「遂既封而歸矣」，  
 君喪既引在塗而言遂，故知遂送君也。又云「不俟子」，  
 是不待子而先還，君待封墳既畢，必待子還之後，今  
 經云「既封而歸，非封墳也」，故知封當為窆。窆下棺也。  
 ○封亦至尊。○正義曰：禮親始死，筭纒小斂始  
 括髮，今臣聞君喪，即括髮不筭纒者，若尋常是吉，今  
 忽聞君喪，故去冠而筭纒。今臣有父母之喪，葬在於  
 塗，皆先服，免忽聞君喪，若著其筭纒，則與尋常吉同，  
 以首不可無飾，故括髮也。知葬時著免者，以雜記云  
 非從柩與反哭無免於，  
 恒故知葬時著免也。


曾子問曰：宗子為士，庶子為大夫，其祭也如之？何孔子  
 曰：以上牲祭於宗子之家。○貴祿重宗也。上牲，大夫



少牢，祝曰：孝子某為介子某薦其常事。○介，副也。不

言庶使若可以祭然。○祝皇之六反，舊之又反。卜同。  
 曰：同介音界。○曾子至常事。○正義曰：此一節論宗  
 副也。下同。○子祭用大夫牲之事。○以上至之家，  
 ○上牲謂大夫少牢也。宗子是士，合用特牲。今庶子  
 身為大夫，若祭祖禰，當用少牢之牲，就宗子之家而  
 祭也。以廟在宗子家故也。○貴祿至少牢。○正義  
 曰：用大夫之牲是貴祿也。宗廟在宗子之家，是重宗  
 也。此宗子謂小宗也。若大宗子為士，得有祖禰二廟，  
 也若庶子是宗子親弟，則與宗子同祖禰，得以上牲  
 於宗子之家而祭祖禰也。但庶子為大夫，得祭曾祖  
 廟，已足庶子不合自立。曾祖之廟，崔氏云當寄曾祖  
 廟於宗子之家，亦得以上牲。宗子為祭也。若已足宗  
 子從父庶子兄弟父之適子，則於其家自立禰廟，其  
 祖及曾祖亦於宗子之家寄立之。亦以上牲。宗子為  
 祭，若已足宗子從祖庶兄弟父祖之適，則立祖禰廟。

於已家則亦寄立曾祖之廟於宗子之家已亦供上  
 牲宗子為祭此大夫者謂諸侯大夫故少牢知此是  
 諸侯大夫者以下文云宗子有罪居於他國言他國  
 則是據諸侯也以文相連接故知此大夫是諸侯大  
 夫也○祝曰至常事○宗子祭時祝告神辭云孝子  
 某孝子謂宗子也某是宗子之名介子某介子謂庶  
 子為大夫者介副也某是庶子名也薦其歲之常事  
 告時止稱宗子其時庶子身在祭位必知庶子在者  
 以經云祭於宗子之家是大夫就宗子家而祭也○  
 介副至祭然○正義曰上云庶子為大夫此亦當  
 云為庶子某今云介子某者庶子卑賤之稱介是副  
 貳之義介副則可祭故云使若可以祭然故稱介子  
 若宗子有罪居於他國庶子為大夫其祭也祝曰孝  
 子某使介子某執其常事○此之謂宗子攝大夫○  
 祭也本或此下有攝主不厭祭不旅不假不綏祭不  
 如之何三字非也



**配**皆辟正主厭厭飫神也厭有陰有陽迎主之前  
 祝酌奠奠之且饗是陰厭也尸謾之後徹薦俎敦設  
 於西北隅是陽厭也此不厭者不陽厭也不旅不旅  
 酬也假讀為嘏不嘏不嘏主人也不綏祭謂今主人  
 也綏周禮作墮不配者祝辭不言以某妃配某氏○  
 本或作厭於豔反註下皆同綏註作墮同許垂反徐  
 又況垂反註同辟音避下同飫於去反謾色六反起  
 也敦音對又東**布奠於賓賓奠而不舉**布奠謂主  
 人酬賓奠解於薦北賓奠謂取解奠於薦南也此酬  
 之始也奠之不舉止旅○解之豉反**不歸肉**肉俎  
 字林音支



也謂與祭者留之其燕○歸如字徐其位反與音預其辭於賓曰

宗兄宗弟宗子在他國使某辭辭猶告也宿賓之

辭與宗子為列則曰宗兄若子弟昭穆異者曰宗子

而已其辭若云宗兄某在他國使某執其常事使某

告○其辭如字告也下及註同若宗至其辭○正

昭穆常遙反下音木後放此義曰此一節以曾

子前問宗子為士庶子為大夫孔子答畢更為曾子

廣陳宗子有罪出居他國庶子為大夫在家法其祭

之禮按少牢饋食司宮筵於奧設饌畢祝酌奠於鉶

南主人西面再拜稽首祝曰孝孫某敢用柔毛剛鬣

嘉薦普淖用薦歲事於皇祖伯某以某妃配某氏尚

饗此所謂配也今攝主則不配少牢又云祝出迎尸

尸入即席坐而執祝前之解而祝命尸綏尸取菹揆

於醢祭於豆間及祭黍稷肺等是謂尸綏祭也尸飯

十一飯訖主人洗爵酌尸酢主人主人拜受爵上

佐食取黍稷肺授主人所謂綏祭也今攝主不綏祭

少牢又云主人左執爵祝與二佐食取黍以授尸祝

執以命祝祝受以東北面嘏於主人曰皇尸命工祝

承致多福無疆於女孝孫所謂嘏也今攝主則不嘏

也按特牲主人受嘏之後獻祝及佐食訖主婦獻尸

及祝佐食訖乃賓長獻尸尸爵止未飲主人主婦主


相致爵訖尸乃飲止爵以酢賓賓飲訖賓獻祝及佐  
食洗酌致於主人主婦訖主人獻賓賓酢主人主人  
又獻衆賓訖尊兩壺於阼階東西賓亦如之主人酌  
西方之尊以酬賓主人奠爵於賓之薦北賓取爵東  
面奠於薦南所謂布奠於賓也今攝主主人奠於薦  
北賓取奠於薦南而不舉也主人獻長兄弟又獻衆  
兄弟訖長兄弟加爵於尸衆賓長又加爵於尸訖嗣  
子舉奠舉奠訖賓坐取薦南之爵酬長兄弟長兄弟  
酬衆賓衆賓酬衆兄弟所謂旅酬今攝主不旅酬也  
特牲云旅酬之後無算爵無算爵之後祝告利成尸  
起主人降佐食徹尸薦俎設於西北隅所謂陽厭今

禮記

卷之六

禮記

攝主不為此陽厭也。○**註**此之至大夫。○正義曰喪服小記士不攝大夫士攝大夫唯宗子也。○攝主不厭祭。○正義曰此宗子有罪出在他國庶子既為攝主不敢備禮故於祭末不為陽厭之祭也。所以不為陽厭者陽是神之厭。既所攝主謙退似若神未厭。然也。○不旅者謂所將祭旅酬之時賓奠不舉不為旅酬也。旅酬是賓主交歡之始。今攝主不敢當正主。故不旅也。○不嘏不綏祭者嘏是主人受福。綏是將欲受福。先為綏祭。今辟正主不敢受嘏。以其不嘏。故不綏祭也。○不配者以祭初尸未入之時祝告神。辟曰以某姓配某氏。備告考妣。今攝主不敢備禮。略言皇祖而已。此經所陳從祭末然後以次至祭初。逆陳之。必逆陳之者。皇氏云以其攝主非正。故逆陳以見義。○**註**皆辟至某氏。○正義曰以其無尸設饌。欲神之歆饗而厭飫是也。○云厭有陰有陽。謂一祭之中有此兩厭。下文有陰厭有陽厭是也。○云迎尸至南且饗者。祝奠訖且復以辭饗告神也。是室奧陰爵



之處。故云陰厭尸。饗之後佐食徹尸之薦俎設於西北隅。謂戶明白之處。故曰陽厭。今攝主不厭。謂不陽厭也。所以然者。厭是厭飫。凡厭是神之歆饗。○云尸饗至陽厭也。其上大夫當自賓尸。故少牢禮無陽厭也。下大夫不賓尸。有陽厭也。其天子諸侯。明日乃為繹祭。亦有陽厭也。故詩云。相在爾室。尚不媿於屋漏。謂天子之禮。天子既爾。諸侯亦然。此謂下大夫攝也。禮有陽厭。以其攝主故闕。陽厭若上大夫本無陽厭。可闕知此不厭者。不陽厭此皆逆陳於祭末者。先言。故知不陽厭也。云假讀為嘏。至主人也。以古旁之嘏。是福慶之辭。少牢云嘏於主人。嘏字古旁為之。祭禮。唯主人受嘏。故知不嘏。不嘏於主人。嘏字古旁為之。祭禮。主人者。謂欲食之時。先減黍稷。牢肉而祭之於豆間。故曰綏祭。尸與主人俱有綏祭。今攝主則不綏也。所以然者。凡將受福。先為綏祭。今攝主則不綏也。故命尸綏祭。尸取菹及黍稷。肺祭於豆間。是謂之綏祭。綏是減毀之名。尸與主人俱有綏祭也。云今主人者

謂今攝主人也云綏周禮作墮者以綏是綏安之義  
 墮是滅毀之名故從於周禮墮為正守祧云既祭則  
 藏其隋是也○云不配者至某氏○謂祝辭直言薦  
 歲事於皇祖伯某不云以某妃配某氏某氏者其妃  
 之姓也若云某妃姜氏子氏之類也○布奠至不舉  
 於賓之北○賓奠之時賓在西廂東面主人布此奠爵  
 薦南而不舉用以酬兄弟此則不旅酬之事而更別  
 言者以上文總云祭祀是主人之事自此以下更別  
 論賓禮有闕故重言之○**布奠至止旅**○正義曰  
 此皆特牲禮文云此酬之始也者按特牲禮云賓奠  
 之後主人獻衆兄弟內兄弟訖乃行旅酬故云此酬  
 之始也云奠之不舉止旅者謂止旅酬之事而不為  
 也○不歸肉者歸饋也謂不歸俎肉於賓也○**肉**  
 俎至其燕○正義曰賓客正祭諸助祭之賓客各使  
 歸俎今攝主不敢饋俎肉於賓故主云謂與祭者留  
 之共燕○其辭至某辭○正義曰非但祭不備禮其  
 將祭之初辭告於賓與常禮亦別云宗兄宗弟宗子

在他國不得親祭故使某執其常事使某告也故云  
 使其辭○**辭猶至之辭**○正義曰云宿賓之辭按  
 特牲云乃宿尸註云宿讀為肅肅進也進者使知祭  
 日當來下云宿賓故云宿賓之辭○云與宗子為列  
 至而已○若同列者云宗兄若宗弟其昭穆異者  
 宗子雖祖父及子孫之行但謂之宗子故云而已

**曾子問曰宗子去在他國庶子無爵而居者可以祭乎**

**孔子曰祭哉****有子孫存不可以乏先祖之祀請問**

**其祭如之何孔子曰望墓而為壇以時祭****不祭於**

廟無爵者賤遠辟正主○壇大丹反下註同註或**若**

**宗子死告於墓而后祭於家****言祭於家容無廟也**

**宗子死稱名不言孝****孝宗子之稱不敢與之同其**

辭但言子某薦其常事○稱尺身沒而已○至子可

以稱孝子游之徒有庶子祭者以此○以用也用此

禮祭也若義也○若順今之祭者不首其義故誣於

祭也○首本也誣猶妄也○此一節論庶子代宗子

祭之事各依文解之○曾子問至以祭乎論曾子

以孔子上文云宗子有罪居在他國庶子為大夫得

在本國攝祭未知庶子無爵在國居者可祭以否故

問之○孔子曰祭哉者孔子既許其祭以無正文得

祭故云祭哉者疑而量度之辭故註云有子孫存

不可以乏先祖之祀○請問其祭如之何孔子曰望

墓而為壇以時祭者宗子雖有廟在宗子之家庶子

無爵不得就宗子之廟而祭惟可望近所祭者之墓

而為壇以四時致祭也○不祭至正主正義曰

所以不祭於宗子廟者以庶子無爵卑賤遠辟正主

正主謂宗子也據鄭此言宗子去在他國謂有爵者

若其無爵在家本自無廟何須云不在廟辟正主也

鄭必知是有爵者以經云宗子去在他國庶子無爵

而居庶子云無爵明宗子是有爵此宗子去他國謂

有罪者若其無罪則以廟從本國不得有廟故喪服

小記註云宗子去國乃以廟從謂無罪也○若宗至

於家○孔子上為曾子說宗子身在外此又說宗子

身沒謂告於所祭之墓而后祭於庶子無爵者之家

也○言祭於家容無廟也正義曰從上以來雖

據宗子有爵而言其廟在家今宗子既死庶子無所

可辟當云告於墓而后祭於宗子之家今直云祭於

家是祭於庶子之家是容宗子之家無廟故也宗子

所以無廟者宗子無爵不合立廟或云祭於家者是

祭於宗子之家容庶子之家無廟也庶子所以無廟

者一是庶子無爵不合立廟二是宗子無罪居他國

以廟從本家不復有廟故也○宗子死稱名不言孝

孝辟宗子也○孝宗至常事正義曰上文孝子

禮記

禮記

禮記

禮記

禮記

禮記

禮記

禮記


禮記

某使介子某孝子是宗子之稱今直言名不言介若  
 宗子枉得言介子某今宗子既死身又無爵復稱名  
 不得稱介故但言子某薦其常事身沒而已者其不  
 稱孝者惟已身終沒而已至其子則稱孝也○至  
 子可以稱孝○正義曰以庶子合稱孝者庶子身死  
 其子則是庶子適子祭庶子之時可以稱孝○子游  
 之徒有庶子祭者以此○以其禮無正文故孔子引  
 子游之徒黨有庶子祭者而用此禮而祭○若義也  
 者若順也謂庶於古義故云若義也○今之祭者不  
 首其義故誣於祭也○言首本也誣猶妄也○正義  
 曰謂今日世俗庶子祭者不尋本義之道理為  
 此祭故云誣於祭謂妄為祭之法不依典禮

曾子問曰祭必有尸乎言無益無用為若厭祭亦可

乎厭時無尸孔子曰祭成喪者必有尸尸必以孫

孫幼則使人抱之無孫則取於同姓可也人以有



子孫為成人子不殤父義由此也祭殤必厭蓋弗成

也厭厭飫而已不成其為人祭成喪而無尸是殤之

也與與不成人同孔子曰有陰厭有陽厭言祭殤

之禮有於陰厭之者有於陽厭之者曾子問曰殤不

耐祭何謂陰厭陽厭耐當謂備聲之誤也言殤乃


不成人祭之不備禮而云陰厭陽厭乎此失孔子指

也祭成人始設奠於奧迎尸於前謂之陰厭尸諷之

後改饌於西北隅謂之陽厭殤則不備耐依註音

亦同與耐曾子至陽厭○正義曰此一節論祭有尸

尸乎曾子之意以祭神神本虛無無形無象何須以  
生人象之故云祭必有尸乎○**言**無益無用為○  
正義曰祭是祭神不祭生人今祭生人無益死者故  
云無益云無用為者無用為此尸一解云無用為者  
無用此之為為是助語○若厭祭亦可乎○若如厭  
祭之時亦應可乎謂祭初尸未入之前祭未尸既起  
之後並皆無尸直設饌食以厭飫鬼神如此之時其  
禮亦爾註云厭時無尸○孔子曰祭成喪者必有尸  
○孔子答祭以成人之喪者必須有尸以成人之喪  
威儀具備必須有尸以象神之威儀也尸必以孫若  
其孫幼則使人抱之若無孫則取同姓昭穆孫行適  
者可也以其成人威儀既備有為人父之道不可無  
尸○祭殤必厭蓋弗成也○年若幼在殤人道未備  
威儀簡略不足可象不須立尸故祭殤必厭蓋弗成  
也者蓋以不成人故不立尸也今祭成人喪但厭飫  
而已是將成人與殤同也○孔子曰有陰厭有陽厭  
故記者又言孔子曰其祭殤有於陰厭者謂適殤也



有於陽厭者謂庶殤也○曾子至陽厭○正義曰曾  
子既聞孔子云有陰厭有陽厭不解孔子之旨謂言  
祭殤始末二祭之中有此兩厭故問云祭成人之時  
有此二厭殤不耐祭耐備也謂祭殤簡略何謂備有  
陰厭有陽厭也○**耐**耐當至不備○正義曰知耐當  
為備者按喪服小記云殤與無後者從祖耐食今云  
殤不耐祭與小記文乖故知耐當為備耐聲相近  
故云聲之誤也○云言殤至陰厭約特性少牢禮文  
當設饌於西南與尸未入之前也云尸讓之後改饌  
於西北隅謂之陽厭者當祭末讓起也謂尸起之後  
也  
**孔子曰宗子為殤而死庶子弗為後也****族人以**

其倫代之明不序昭穆立之廟其祭之就其祖而已

代之者主其禮

**疏**

孔子至後也○正義曰孔子更為

人庶子不得代為之後○**族人**至其禮○正義曰  
以經云庶子既不為後宗子理不可闕明族人以其

倫代之倫謂輩也謂與宗子昭穆同者則代之凡宗子為殤而死庶子既不得為後不以父服服之鄭註喪服云若與宗子期親者其長殤大功衰九月中殤大功衰七月下殤小功衰五月有大功之親者成人服之齊衰三月卒哭受以大功衰九月其長殤中殤大功衰五月下殤小功衰三月有小功之親者成人服之齊衰三月卒哭受以小功衰五月其殤與絕屬者同有總麻之親者成人及殤皆與絕屬者同故喪服記云宗子孤為殤而死者大功衰小功衰皆三月據與宗子小功以下及無服者長中殤則大功下殤則小功又云親則月算如邦人則鄭註是也此是族人以其倫代之者各以本服服之云明不序昭穆不立之廟以宗子殤死無為人父之道故不序昭穆不得與代之者為父也云代之者主其禮者以宗子存時族人凡殤死者宗子主其祭祀今宗子殤死明代為宗子者主其禮也此宗子是大宗族人但是宗子兄弟行無限親

**其吉祭特牲** 尊宗子從成人也凡疏皆得代之



殤則特豚自卒哭成事之後為吉祭祭殤不舉肺無所俎無玄酒不告利成 此其無尸及所降也其他

如成人舉肺脊所俎利成禮之施於尸者 子忌依反也 **是謂陰厭** 是宗子而殤祭之於與之禮小宗為

殤其祭禮亦如之 其吉至特牲 正義曰其卒哭


宗至音祭 正義曰士祭成人特牲今宗子祭亦特牲故云尊宗子從成人之禮也云凡殤則特豚者以

凡殤降宗子之殤故用特豚云自卒哭成事之後為吉祭者檀弓云卒哭曰成事是日也以吉祭易喪祭

熊氏云殤與無後者唯祔與除服二祭則止此言吉祭者唯據祔與除服也庾云吉祭通四時常祭若如

庾言殤與無後者之祭不知何時休止未有聞焉經云言祭特牲則喪祭之時以其未成人降用特豚也

○祭殤至利成○謂祭此殤時不舉肺以其無尸故  
 不舉肺春○無所殤者所是尸之所食歸餘之俎以  
 其無尸故無所殤○無玄酒者若祭成人則有玄酒  
 重古之義今祭殤既略故無玄酒也不告利成者謂  
 既畢今既無所可告故不告利成利猶養也不告供  
 養之禮成也○**註**此其至尸者○正義曰以經云不  
 舉肺無所殤不告利成此三事本主於尸今以無尸  
 故不為故云此其無尸也玄酒之設本不為尸所有  
 祭殤略無玄酒是降也故云及所降也云舉肺春所  
 俎利成禮之施於尸者按特牲少牢尸將食舉肺春  
 又云上佐食設所俎初載心舌所者敬也主人敬尸  
 之俎又云無算爵祝東面告利成舉肺春所俎利成  
 之禮並施於尸也○是謂陰厭也○**註**是宗子殤死祭於  
 祖廟之與陰闇之處是謂陰厭也○**註**是宗至如之  
 ○正義曰鄭既云小宗為殤祭禮如大宗者以前經  
 云宗子為殤而死不顯大小故知凡宗子殤祭之禮  
 皆然是以小宗為殤祭禮亦如之必知此經指大宗  
 者以何休公羊註云小宗無子則絕大宗無子則不



絕重適之本上文庶子不為後謂大宗子在殤而死  
 不得為後若非殤則得為後故知是大宗也凡宗子  
 成人而死則得立子孫為後若立兄弟為後則不可  
 故成十五年公羊傳譏仲嬰齊是公孫歸父之弟當  
 云公孫嬰齊而云仲嬰齊者為歸父之後譏其亂昭穆故云仲是也  
**於宗子之家當室之白尊於東房是謂陽厭****註**凡殤

謂庶子之適也或昆弟之子或從父昆弟無後者如  
 有昆弟及諸父此則今死者皆宗子大功之內親共  
 祖禰者言祭於宗子之家者為有異居之道也無廟  
 者為墀祭之親者共其牲物宗子皆主其禮當室之  
 白尊於東房異於宗子之為殤當室之白謂西北隅



得戶明者也明者曰陽凡祖廟在小宗之家小宗祭之亦然宗子之適亦為凡殤過此以往則不祭也祭

適者天子下祭五諸侯下祭三大夫下祭二士以下

祭子而止。○適丁歷反下同如有昆凡殤至陽厭

殤謂非宗子之殤故云凡殤無後者謂庶子之身無

子孫為後此二者皆宗子大功內親祭於宗子之家

祖廟之內不敢在成人之處故於當室之明白顯露

之處為之設尊於東房以其明是陽故為陽厭也。○

**凡殤至而止。**○正義曰謂庶子之適子為殤而死

此庶子之適一句與下文為總即是昆弟之子從父

昆弟是也云或昆弟之子者謂宗子親昆弟所生之

子是適其昆弟是庶子昆弟所生者是適故云庶子

之適云或從父昆弟者亦謂宗子之從父兄弟宗子

之父身是適諸父是庶諸父所生之適子亦是庶子

之適故云或從父昆弟云無後者如有昆弟及諸父

者如而也而有昆弟謂宗子之親庶兄弟與宗子同

祖今既無後祭之當與宗子祖廟及諸父謂宗子諸

父身並是庶子與宗子同曾祖祭之當於宗子曾祖


之廟凡殤有二一昆弟之子祭之當於宗子父廟二

是從父昆弟祭之當於宗子祖廟其無後者亦有二

一是昆弟無後祭之當於宗子祖廟二是諸父無後

祭之當於宗子曾祖之廟凡殤得祭者以其身是適

故也無後者成人無後則祭若枉殤而死則不祭以



祖之庶義與此不異也。○云此則今死至其祖禰者從父兄弟是宗子大功親昆弟諸父是宗子家親諸父及從兄弟共祖者昆弟及昆弟之子共禰者鄭必限以大功內親共祖禰者以上文云吉祭特牲唯據士禮適士二廟有祖有禰下士祖禰共廟故鄭限以祖禰同者唯大功之內親也。云言祭於宗子之家者為有異居之道也。禮大功以上同居命士以上則父子異宮故云有異居之道云無廟者為禫祭之者士立二廟若然諸父當宗子曾祖之廟宗子是士但有二廟無曾祖廟故云無廟者為禫祭之推此而言大夫立三廟無太祖者其祭諸父得與曾祖廟也。其立太祖廟者其祭諸父當於曾祖廟曾祖無廟亦為禫祭之云親者其祭諸父當於曾祖廟曾祖無廟亦為禫祭之葬其經營祭事牲牢之屬親者主為之又牲牢視親者之品命故云親者共其牲物就宗子之家祭其祖禰故云宗子皆主其禮云當室之白尊於東房以宗子之殤祭於室與今祭凡殤乃於西北隅又特牲云尊於戶東註云室戶東按上文宗子之殤但不



舉肺無所俎無玄酒不告利成其餘皆與祭成人同則其尊亦設於室戶東今祭凡殤乃尊於東房故云當室之白尊於東房異於宗子之殤也。云宗子之適亦為凡殤者以上經云宗子為殤而死據宗子身殤不論宗子適子也。此明宗子適子父雖是適其子殤死亦為凡殤以其更無別文故知與凡殤同云過此以往則不祭也者此謂宗子身殤及宗子昆弟之子及從父昆弟并宗子適子等唯此等殤死祭之過此以外皆不祭也。云祭適者天子下祭五以下並祭法文彼註云祭適殤於廟之與謂之陰厭是天子諸侯祭適殤於其廟與彼註又云王子公子祭其適殤於其黨之廟大夫以下庶子祭其適殤於宗子之家皆當室之白謂之陽厭是王子以下及大夫等祭其適殤皆為凡殤也。彼註又云凡庶殤不祭以其身是庶若其成人無後則祭之則上文無後昆弟及諸父是也。

曾子問曰葬引至於壙日有食之則有變乎且不乎

塋道也變謂異體○塋古鄧反且如字徐子餘反孔子曰晉者吾從

老聃助葬於巷黨及塋日有食之老聃曰丘止柩就

道右止哭以聽變既明反而后行曰禮也○巷黨黨

名也就道右者行相左也變日食也反復也○從才用反又


如字既明反葬而丘問之曰夫柩不可以反者也日

有食之不知其已之遲數則豈如行哉○已止也數

讀為速老聃曰諸侯朝天子見日而行逮日而舍奠

大夫使見日而行逮日而舍奠○舍奠每將舍奠行主

朝直遙反使色吏夫柩不蚤出不莫宿○侵晨夜



則近姦寇○蚤音早莫音暮近附近之近見星而行者唯罪人與奔

父母之喪者乎日有食之安知其不見星也○為無

日而慝作豫止也○慝他得反惡也且君子行禮不以人之

親疢患○疢病也以人之父母行禮而恐懼其有患

害不為也○疢始占反病也恐丘勇反吾聞之老聃云○曾子至

正義曰此一節論葬在道逢日食之事各依文解之

○曾子至不乎曾子以葬引至塗值日有食之則有

變常禮而停住乎且不變常禮而遂行乎不審其事

而問孔子也○孔子至禮也○孔子答以已從老聃

事交相左凶事交相右此既柩行而交相左者以其  
 遭日食之變止哭停柩而不行凶禮故從吉禮行相  
 左或可行相左者云此據北出停柩在道東北嚮對  
 南嚮行人為交相左○反葬至行哉○丘反問老聃  
 云夫柩務於速葬不可以迴反今日有食之令止柩  
 就道右不行不知其日食休已之遲速既不知其遲  
 速設若遲晚遂至於夜莫則豈如行哉言豈如早行  
 為勝哉言當疾行以至於墓赴其吉辰也○夫柩至  
 疢患○唯罪人及奔父母之喪見星而行今若令柩  
 見星而行便是輕薄人親與罪人同非但輕薄人親  
 且君子行禮之時當尊人後已不可以人之親疢患  
 疢病也病於危也言不可使人之親病於危亡之患  
 也故註云以人之父母行禮而恐懼其有患害不為  
 也意者言若日食而務葬速以赴吉辰即慮有患害  
 而遂停柩待明  
 反而行禮也

曾子問曰為君使而卒於舍禮曰公館復私館不復凡



所使之國有司所授舍則公館已何謂私館不復也

**禮**復始死招魂○為君子偽反又如字孔子曰善乎問之也

善其問難明也自卿大夫士之家曰私館公館與公

所為曰公館公館復此之謂也公館若今縣官舍

也公所為君所命使舍已者曾子至謂也○正義曰此一節論人臣死

招魂復魄之事○自卿大夫士之家曰私館○孔子

又為曾子釋私館公館之義私館者謂非君命所使

私相停舍謂之私館公館謂公家所造之館與公所

為者與及也謂公之所使為命停舍之處亦謂之公  
 館君所命停客之處即卿大夫之館也但有公命  
 故謂之公館也註公館若今縣官舍也鮑遺問曰註  
 此云公所為君所命使舍已者註雜記云公所為若  
 今離宮別館也此二說異何張逸答曰公館若今停

待者也離宮是也聘禮曰卿館於大夫大夫館於士公命人使館客亦公所為也

曾子問曰下殤土周葬於園遂輿機而往塗邇故也

土周墾周也周人以夏后氏之墾周葬夏殤於園中

以其去成人遠不就墓也機輿尸之牀也以繩組其


中央又以繩從兩旁鉤之禮以機舉尸輿之以就園

而斂葬焉塗近故耳輿機或為餘機

栗反下同組本又作緇古鄧反一音古恒反鉤本又作拘古侯反斂力驗反下同

今墓遠則其葬也如之何

今人斂下殤於宮中而葬於墓與成人同墓塗乃遠其葬當輿其棺乎載之也問禮之



變也孔子曰吾聞諸老聃曰魯者史佚有子而死于

殤也墓遠

蓋欲葬墓如長殤從成人也長殤有所葬車者則棺載之矣史佚成王時賢史也賢猶有所

不知 患反下文棺斂衣棺註棺謂皆同 召公謂之曰

何以不棺斂於宮中

欲其斂於宮中如成人也斂於宮中則葬當載之

召本又作邵 史佚曰吾敢乎

哉

為辟下文 周公曰豈不可

言是豈於禮不可不許也 史佚行之

也遂用召公之言下殤用棺衣棺自史佚始也


謂斂於棺 **殤**曾子至始也。正義曰此一節論葬下

見時所行與古禮異故舉事而問也下殤謂八歲至

十一也土周檀弓所云夏后氏之塋周是也周人用

特喪下殤之喪故云下殤土周也。葬於園者園圃

也下殤去成人遠不可葬於成人之墓所用土周而



闕文



曾子問曰卿大夫將為尸於公受宿矣而有齊衰內喪

則如之何孔子曰出舍於公館以待事禮也吉凶

不可以同處孔子曰尸弁冕而出為君尸或弁者

先祖或有為大夫士者卿大夫士皆下之見而下

車尸必式小俛禮之必有前驅為辟道亦反

**說**曾子至前驅正義曰此一節論卿大夫與君為

而巳受宿齊戒而門內有齊衰之喪其禮如何故云

則如之何孔子曰出舍於公館以待事禮也者此

答曾子云且舍公館待事畢然後歸哭也所以出於


公館者以祭是吉吉凶不可同處也孔子曰尸冕

**註**時有如此皇氏以為無曾子問者後寫脫漏非也○  
 為君至士者○正義曰按士虞禮云尸服卒者之  
 上服以君之先視有為士者當著爵弁以助君祭故  
 子孫祭之尸得服爵弁者若以助君祭服言之大夫  
 著冕此云大夫者因士連言大夫耳按儀禮特牲尸  
 服玄端少牢又云尸服朝服尸皆服在家自祭之服  
 不服爵弁及冕者大夫士卑屈於人君故尸服父祖  
 自祭之上服人君禮伸故尸服助祭之上服也○卿  
 大夫士皆下之者謂尸或出於道路其卿大夫乘車  
 見尸則下車也尸必式者而尸當馮式小俛以敬之  
 必有前驅驅者謂尸出行  
 則有前驅辟道之人也

子夏問曰三年之喪卒哭金革之事無辟也者禮與初

有司與**註**疑有司初使之然○辟音避下同孔子曰

夏后氏三年之喪既殯而致事殷人既葬而致事**註**



致事還其職位於君則卒哭而致事記曰君子不奪

人之親亦不可奪親也此之謂乎**註**二者恕也孝也

子夏曰金革之事無辟也者非與**註**疑禮當有然孔

子曰吾聞諸老聃曰魯者魯公伯禽有為為之也**註**

伯禽周公子封於魯有徐戎作難喪卒哭而征之急

王事也征之作費誓○難乃且今以三年之喪從其

利者吾弗知也**註**時多攻取之兵言非禮也**註**子夏


也○正義曰此一節論君不奪孝子情之事各依文

解之○子夏問曰三年之喪至初有司與者子夏以

人遭父母三年之喪卒哭之後國有金革戰伐之事  
 君使則行無敢辭辟為是禮當然與為當初時有司



強逼遣之與○**四**致事至致事○正義曰皇氏云夏后氏尚質孝子喪親恍惚君事不敢久留故既殯致事還君殷人漸文息親禍深故既葬畢始致事還君周人極文悲哀至甚故卒哭而致事知周卒哭致事者以喪之大事有三殯也卒哭也夏既殯殷既葬後代漸遠以此推之故知周卒哭也○記曰至謂乎○解人臣喪親在上君子許之致事君子謂人君也人臣有親之喪在上君子許其致事是不奪人喪親之心此謂怨也以已情恕彼也據君許於下也亦不可奪親者謂人臣遭親之喪若不致事是自奪思親之心也故遭喪須致事是不奪情以求利祿此謂孝也此據孝子之身也言孝子居喪不可以不致事人君不可以不許舊記先有此文故孔子引之故云此之謂也○**四**二者恕也孝也者恕也解不奪人之親已既思親以已方人何可奪人之親是君忠恕也孝也解亦不可奪親是孝子思親今不致事不能念親今既致事是不奪思親之情是其孝也○子夏曰金革之事無辟也者非與孔子既前答周人卒哭子



致事則無從金革之理子夏既見周代行金革無辟之事謂其禮當然故問孔子云金革之事無辟也者豈非禮也與以其於禮當然又意謂見魯君居喪有金革之事豈是禮也與疑其非禮也故問之○孔子曰吾聞諸老聃曰昔者魯公伯禽有為為之也者孔子對云金革之事無辟也者當亦有之吾聞諸老聃曰昔者魯君伯禽卒哭而從金革時有徐戎作亂東郊不開故征之有為為之也○**四**伯禽至費誓○正義曰言伯禽周公之子封放魯按史記魯世家云徐戎作難尚書序又云卒哭而征之急王事也以此上經云卒哭金革之事無辟此云魯公伯禽有為為之故知征之然周公致仕之後二王即位之時周公猶在則此云伯禽卒哭者為母喪也○今以三年之喪至弗知也今以三年之喪卒哭而從金革之事更無所為蓋直貪從於利攻取於人者吾不知也言不知是不得此禮也

禮記註疏卷之十九

禮記註疏卷第二十

漢鄭氏註

唐孔穎達疏

文王世子第八

○陸曰文王周文王昌也鄭云以其善為世子之禮故著諡號標篇言可

法也疏正義曰按鄭目錄云各曰文王世子者以其記也疏文王為世子時之法此於別錄屬世子法此篇

之內凡有五節從文王之為世子下終文王之為世

子也為第一節論文王武王為世子之禮下之事上

之法從凡學世子至周公踐祚為第二節論在上教

下說庠序設奠先聖先師養老東序并明三王教世

子又更論周公踐祚抗世子法於伯禽之事自庶子

禮記

卷之十九

禮記